

Arkiv	Saksbehandlar	Møtedato	Sak nr.
434.4	Knut Øyjordet	08.12.17	33/17

SØKNAD OM UTVIDING AV HUNDKJØRINGSLOYPE – SJODALEN HYTTETUN*Saksdokument:*

1. Brev frå kommunen av 20.11.17 med vedlegg.
2. Sak 31/15 og 23/16 i fjellstyret.

Saksutgreiing:

Sjodalen hyttetun og camping fekk i 2015 løyve til å nytte snøskuter i samband med oppkjøring av tre trasear for hundkjøringsløype, dvs. ei løype frå Sjodalen hyttetun og camping til Steinholet og attende, ei barnevenleg løyperunde i området ved Sjodalen hyttetun, og ei langløype frå Randsverk og etter Fuglsetervegen og vidare innover mot Veodalen. I 2016 vart det søkt om utviding av løypetilbodet, og det vart gjeve løyve til ein trase opp mot Sjugurdsjøen og vidare til kommunegrensa til Sel.

Kommunen har nå mottatt ein søknad frå Sjodalen hyttetun og camping om utviding av eine traseen, dvs. løypa sørover til Steinholet. Det blir søkt om å få lagt til ein trase nordover mot grustaket på Veomoen, og er tenkt lagt etter den gamle skiløypetraseen, ei strekning på ca. 1,2 km. Den samla lengda på denne løypa vil da bli auka frå 6,1 til 8,5 km. Søkjaren grunngjев dette med at det vil gje dei enda meir fleksibilitet enn før, fordi det er mange som etterspør litt lengre løyper. Dette gjev dei fleire løypevariantar i same trase.

Kommunen skriv i høyringsbrevet at ein ser positivt på tiltaket, så framt det ikkje går vesentleg utover andre interesser eller verdiar i området. Kommunen er innstilt på nytte same vilkår som vart sett i 2015, dvs.:

- Bruken av snøskuter skal avgrensast til det som er nødvendig og følgje godkjende trasear.
- All motorferdsel skal berre skje på godt snødekt mark og skje omsynsfullt slik at det ikkje oppstår skade på vegetasjon, forstyrring av dyreliv eller til vesentleg ulempe for friluftsliv. Det skal ikkje gjerast terrenginngrep/hogst eller anna inngrep som kan skade vegetasjonen. Dersom det likevel skulle oppstå skjemmande skader i marka, vil løyvehavar ha ansvar for å rette opp att dette.
- Sjodalen hyttetun og camping skal sørge for forsvarleg opprydding og søppelhandtering, slik at det ikkje ligg att søppel og liknande etter løypene.
- Sjodalen hyttetun og camping skal årleg varsle Vågå tamreinlag om når dei startar å køyre løype 4, Randsverkløypa.
- Løyvet kan trekka attende dersom det skulle skje endringar eller oppstå forhold som tilseier behov for ny vurdering av tiltaket.

Statskog skriv m.a. følgjande i ein e-post til kommunen:

Med forbehold om at fjellstyret ikke har vesentlige merknader jfr. Fjelloven § 12, vil Statskog tillate at hundekjøringsløypa utvides slik det er skissert i søknaden.

Adresse	Telefon	Bankgiro	E-post
Postboks 16 2684 VÅGÅ	61 29 37 37	2085.25.13625	vaga@fjellstyrene.no

I høyring på søknaden fra Sjodalen hyttetun i fjor vedtok fjellstyret følgjande i sak 23/16:
I søknaden fra Sjodalen hyttetun og camping om ein ny trase i Sallia som kan preparerast opp med snøskuter til hundkjøring, så tykkjer fjellstyret det er greitt å opne for dette, men at traseen opp til Sjugurdsjøen skal følge dagens skiløypetrase slik det primært blir søkt om. Fjellstyret går imot å opne for oppkjøring til hundkjøring etter dei to andre alternativa som er skissert i søknaden, fordi det i Sallia oppheld seg mykje elg i vinterhalvåret. På grunn av dette er det ein stor fordel at skigåing og hundkjøring skjer etter same trase.

Vurdering:

I forhold til dei interessene som fjellstyret skal ivareta, vil det som peikt på i vurderinga i behandling av søknaden både i fjor og i 2015, vera viltinteressene det kan vera knytt konflikt med ved å etablere ei hundkjøringsløype. Både fjellstyret, Statskog og kommunen har vore opptekne av å beskytte dei mest verdifulle vinterbeiteområda for elg. Søknaden gjeld nå berre ei lita utviding, dvs. ei strekning på 1,2 km. Den blir difor vurdert til å ikkje vera særleg konfliktsfull.

Innstilling til vedtak:

I søknaden fra Sjodalen hyttetun og camping om å utvide trasenettet som kan preparerast opp med snøskuter til hundkjøring, så har ikkje fjellstyret merknader til at det blir lagt til ein trase på ca. 1,2 km mot Veomoen.

Vedtak:

Samrøystes: Som innstillinga.

Rett utskrift. Går til:

Kommunen

Statskog v/Trond Berger

Vågåmo, 08.12.17

Knut Øyjordet (e.f)

Adresse	Telefon	Bankgiro	E-post
Postboks 16 2684 VÅGÅ	61 29 37 37	2085.25.13625	vaga@fjellstyrene.no